



Број/Број: 03,03/11-05-25/10
Сарајево/Sarajevo, 5.5.2010.

KOLEGIJIMA OBA DOMA PARLAMENTARNE SKUPŠTINE BiH

DELEGACIJI PARLAMENTARNE SKUPŠTINE BiH U PARLAMENTARNOJ SKUPŠTINI CENTRALNOEVROPSKE INICIJATIVE

Predmet: Izvještaj sa sastanka Parlamentarnog komiteta PDCEI: „Uloga parlamenta u borbi protiv korupcije i organiziranog kriminala“, Cetinje, 26. i 27.4.2010.

U organizaciji Parlamenta Crne Gore 26. i 27. aprila 2010. godine u Cetinju je održan sastanak Parlamentarnog komiteta PDCEI o temi „**Uloga parlamenta u borbi protiv korupcije i organiziranog kriminala**“. Bosna i Hercegovina bila je jedna od dvanaest zemalja učesnica, a iz Parlamentarne skupštine BiH učestvovali su Mehmed Suljkanović, predsjedavajući Delegacije PSBiH u PSCEI i Lazar Prodanović, prvi zamjenik predsjedavajućeg.

Dobrodošlicu učesnicima uputio je Ranko Krivokapić, predsjednik Skupštine Crne Gore, a uvodne govore imali su: Drago Kos, predsjedavajući Grupe zemalja za borbu protiv korupcije - GRECO, Ivan Brajović, ministar unutrašnjih poslova i javne uprave Crne Gore, ambasador Nj. E. gđa Paraschiva Badescu, šef Misije OSCE-a u Crnoj Gori, i Michael Ehrke, direktor Ureda Friedrich Ebert fondacije u Beogradu. Sastankom je predsjedavao Miodrag Vuković, predsjedavajući Parlamentarne dimenzije CEI i predsjedavajući Delegacije Crne Gore u PDCEI. Ostali govornici na sastanku bili su: Miodrag Vuković, predsjedavajući PDCEI, Ranka Čarapić, vrhovni državni tužilac u Crnoj Gori, Ivo Vajgl, član Evropskog parlamenta, Vesna Ratković, direktor Direkcije za inicijativu protiv korupcije u Crnoj Gori.

Svi učesnici sastanka - predstavnici parlamenata - prezentirali su stanje u njihovoj državi i šta su to njihovi parlamenti uradili u borbi protiv korupcije i organiziranog kriminala.

Na sastanku je naglašena velika odgovornost parlamenata kao zakonodavnih organa u borbi protiv korupcije i organiziranog kriminala. Obaveza parlamenata u borbi protiv ovog problema je uspostavljanje pravnog okvira, međutim, nije dovoljno samo usvajanje zakona i formiranje institucija, nego je potrebno da se ti zakoni primjenjuju u praksi i da se pokažu rezultati, što treba podjednako važiti za sve građane. Parlamentarci treba i sami da iniciraju

prijedloge. Također, neophodno je da parlamenti kontroliraju i nadgledaju institucije koje se bave ovim problemom.

U diskusiji je učestvovao Mehmed Suljkanović, predsjedavajući Delegacije PSBiH u PSCEI. Gospodin Suljkanović istaknuo je da su korupcija i organizirani kriminal, također, prisutni i u Bosni i Hercegovini i naveo je zakone i strategije koje je Parlamentarna skupština BiH usvojila, organizacije koje je uspostavila, s kojim vladinim i nevladinim organizacijama saraduje o ovom pitanju, kao i sve ostale mjere koje je Parlamentarna skupština BiH preduzela u rješavanju ovog problema. Smatra da bi se trebalo mnogo više raditi na realizaciji donesenih zakona i da parlamenti moraju služiti za primjer, jer predstavljaju glavne institucije u borbi protiv korupcije i organiziranog kriminala.

Na kraju sastanka usvojena je završna deklaracija Parlamentarnog komiteta Centralnoevropske inicijative o ulozi parlamenta u borbi protiv korupcije i organiziranog kriminala u kojoj se navodi da korupcija i organizirani kriminal predstavljaju ozbiljnu prepreku principima vladavine prava, regionalne stabilnosti, ekonomskog razvoja i pristupanja EU. U Deklaraciji se pozivaju sve zemlje članice PDCEI da dosljedno provode međunarodne pravne mehanizme u borbi protiv ovog fenomena, posebno one mehanizme sadržane u Konvenciji UN-a protiv transnacionalnog kriminala.

Pripremila:

Lara Borovina
viša stručna saradnica za protokol
i bilateralne odnose

Odobrio:

Mehmed Suljkanović
predsjedavajući Delegacije

Dostavljeno:

- Komisiji za vanjske poslove Predstavničkog doma
- Komisiji za vanjsku i trgovinsku politiku, carine, saobraćaj i komunikacije Doma naroda
- Kolegiju Sekretarijata
- Odjelu za dokumentaciju i informacije